

珂雪齋近集

附楚狂之歌卷十一

公安袁祈年著

入村

入山屢被詩家牽數日  
笥中已滿箋不許作林有  
好境從今都上袁家編

二

女蘿壽葉好松煙搖落風  
霜不計年飛得旁枝他處  
去別山猶作樹王傳

三

荷服道裳行路疑路邊猜  
我是王維山中只曉稻梁

附楚狂之歌卷十一  
數噉彼含桃亦不知

四

短竺狸語學御容作奏猶忘去葛龔問我村中百萬  
事答他山裏五千松

舟行

風逆打船頭驅人上路游牽舟江畔過錦纜絆耕牛  
二

幾客沙汀遊忽穿青草洲草深身盡沒惟見行人頭  
三

正看棹邊漚舟工發浩謳前途破浪望豹犬在船頭

村居閒題

直倚松楸戲當時第一儒酒來邀杜甫疾到請文殊  
竹母學仙睡花腰纏佛跌此間佳麗甚那識有三吳  
余王氏姐亡聞之拊膺大叫命筆聊書此歌以  
寄哀思不暇文耳

郢中一聽靈照卒口邊亡姊叫不出曉得汝命如此  
薄柳家佛婢同爲尼憶昔吾妹年小時袖中仙仙佩  
美璧繡檐文葆走堂前弄藥爭花穿松栗誰想倏忽  
數年後上天無故賁他疾姐時尚愁弟年促巧言百  
對日者詰未幾不見昔時人使我冤痛枯向壁花鏡

拋却灰上架神位千聲叫不啞母氏生我三四人無  
罪無辜便去一微風細雨掃屋角癡疑望有轉頭日  
黑亭空堦不知懼涕淚積來甕可溢和泣勸母肝膽  
碎頭顱幾破棺上漆板橋一片青草地是我離別斷  
腸驛市上偶聽人家哭此心不覺如懷礪亭畔黃落  
果累累今日不見來分橘

秋日閒題

來往輕千葉東西浪似沙無名名道伯有姓姓詩家  
懷友人

故人不到且高眠風起竹開始見天天上也生縫削

狀紅霞作裏黑雲遮

步王天根韻有感

嵇氏笑山雲多年聞所聞隨人逐海臭獨我喜山芬  
寧裏廣陵襪不穿濟北裙一生僻到底酷嗜小王君

二

王衍與劉雲千秋萬歲聞俗人生亦臭我輩歿猶芬  
囊內犢皮袴敵花翠尾裙每當風雨夜投筆拜王君

花樓曲

促絃敲枕暗吟哦江上遊人不見過憐我燈前惆悵  
甚牀頭檢出舊吳歌

二

叢梳輕鬢角金觴斜插芙蓉淡淡粧  
若把青樓彙一集如君風調是初唐

夢上天擬李長吉

二

身穿雨點行脚踐石鷄鳴月團乞湯沐銀灣釣錦鯨

三

列班升紫樓笑解右軍囚偶便玉階上淮南送厠籌

四

蝸角帶名都鶴啄吞海航欲將數字行寫向青天上

八月提霜壺怒他童子呼旣焚吳質屢又殺枝頭鳥

五

一寫九光銘酬予十賚文再書楊氏詰酬我五峰雲

六

黃河類纖煙諸嶽大於拳倚檻瞰中土蒼蒼復似天

哭謝通明

人間旣有我公歿復有妨不記微之語沉檀灰更香

陸家乘謔去米氏帶顛亾早識君長逝三杯臚鬼裝

二

手拊落花泣見詩不見人淚同竹露滴面似柳枝嗔



不忍見秋月無心臨水濱計期間不出開口卽愴神  
讀雁山圖叙志

功名了後買蓬蒿孕翠曳煙也自豪欲到雁山山頂  
上傍崖懸腳說離騷

二

一番按帙一番新彷彿如登夏炮門莫說廣本人間  
少名山亦有爲真人

同謫星先生遊石洲

流我大江去悠悠欸乃歌蓬風吹曲斷遠樹送舟過  
偏採無紋石忽尋敗葉荷

山西市語謂林  
煙爲敗葉荷

舫中真是

好從此厭行城

戲李本濟先生樓外樓

欲將飄瓦打吳舫狂客倚欄莫敢前楊柳似山山似  
樹推窗納盡滿江煙

二

近日西湖落楚國山頭片片杭州色君家能建百支  
樓山外青山建不得

晚看梅花因寄黃慎軒太史

豈必拘拘栽兩道東邊我睡配君倒愛花何肯摘花  
枝頭上不如樹上好

二

瘦月尖風映紫車寒鴉三四結花社  
疎疎點點坐斜枝想亦能詩不能寫

戲金魚有作寫一紙投水中贈之

自去野塘後獨行自作戈鼓鬚如拜  
雨開口隨生波投飯倒千尾挂洋帶  
一簑金腮水水動不敢到江河

貧怨

萬端愁裏強閨閨繞地百迴心  
火焚世上俗人偏快樂只將愁苦尋文人

二

蜀音吳語響前齋未作赧王逃債臺請出蘇秦三寸  
舌閨中百計說金釵

同王穉玉謝成侯夜坐

王謝兒郎好法筵只管開詩同飛鳥語禪入酒杯來  
作賦千竿竹陪賓一樹梅咲歌正好處風響欲彫雷  
同王居士望萬人塚

前途馬鬣起濃雲泉下不遺我與君誰是人間驚怖  
事夜深獨自上孤墳

漁人楊生老病予遇之道路悽然不忍作述答  
二篇以傷之

述

予貌先年老予骨見衣襖只愁目前難療饑後來生  
死焉足道君不見予瘦影自憐雙淚時馬蹄沙裏走  
浩浩高才疾足人人巧憔悴獨我一人早伶仃孤苦  
仗四肢并予手足亦枯槁更有一段愁羞澀難爲告  
初夏雨霽上北門紅日烈烈白雨到又抱漁家枯柳  
眠淚不盡兮空哀號

答

君無憂年老富貴誰能傲深院重門鎖青春春隔山  
水白髮到莫憂憔悴早及身侯王乞丐等夜燐掬溪

不問行人百年螻蟻枯骨後與君一樣貧

苦旱

畢星長不好殺之無強縱昔時湯湯水白路點人踪  
日月含枯氣馬蹄響如鐘蔬莖結帶小老圃冒命凶  
黑衫少濯處黃麥如膏烽南陵使者苦天吳大王慵  
微雨數點過巫師有驕容揚旗彫雷罷東邊紅日衝  
道士慚欲灰市兒拊掌攻湖中有小艇枯泥葬船冒  
硯渠掃毫突甕沼畏鼠封誰賦愁霖者宜去截筆鋒  
余園竹盡逝不存一箇四月六日晨起偶書二  
絕挽之

幾日未從曲檻過敗藍灰翠感傷多西郊公子風情  
甚來與篴管作薤歌

二

瑟瑟千竿響勁稍園丁執斧割枯茅當軒黃鳥枝頭  
泣不見昔時舊乳巢

壽王老師

選日做佳賓雪風宜弄巵添人復亂坐未酒先陳棋  
一戶少年笑千篇不老詩館中無別法慣得沈家脾

二

不破腐書煎自然儒者仙披經邀道日彈指度禪年

白氏何曾俗米家又不顧若談夫子品固也安能前  
映高樓苦雨

風落樹頭水搖搖代碧忙竹癭枝卧雨網破疎迴廊  
藍馬行楓葉蝸牛成石牀林深陣陣氣新雨果然香  
山間瀑布

冷鬼凍龍不見沍越銷吳繡莫能輸鬻翁衣薄板礪  
偷噴噴飄飄剪不住

夜宴友人宅值雨

竹香亭上倒金瓶絲雨濛濛繞屋雷駢馬出門薪火  
滅西城紅電照人歸



同家大人宴

有父高千古癡兒名自成文章蘇氏較風調阮家爭  
贏得紫羅去敢將褐布呈竹林兩夫子詞裏立家聲

答沈青門兼自悲

漸減沈家斷帶災且修王氏焚香臭閉門不肯捧詩  
出斫竹爲君送韻來百萬閒愁要哭洩幾分奇筆同  
花開荒荒冷館一人坐繞砌百迴空自哀

家舅氏居梁山之南三世矣忽於辛亥秋杪逝  
去僅賦詩一章哭之

弱子孀婦岫裡呻襖衣紙帳濕山雲空存霧髻霞鬟

在不見昔年使酒人

有一節二沒作一詩嘲之

一朝長往何年迴又長青山土一杯不得隕星驚廐馬止存薪火隔林來

青溪山水奇絕王居士至其地悵然而返居士係村落人

怒視花溪與柳堤藍堆山上淚淒淒可憐秋水夏雲池不及人家種穀溪

離却蜂巒便灑然青山與子兩無緣正當抹月披風

處逢着山僧又說田

與謝通明江邊叙別

君負辟支去予詩笥裏哀絳黃同一品李杜不分才有酒淋花徑無人上月臺京山程路遠對子空言來

又

江南有小袁奇語起鬼塑天地怕吾毫好境留不住獨有謝家郎敢與吾角賦開口動談天令人發狂呼昔時北過江風情飄南渡下馬不說勞握手譚著作尋石打山禽採紙摸白鷺與我月下行影也無惡步如此素心人不用訪友募千歲閻羅前復切定交醺

壬子夏偶擬明宋諸名家詩非予真面目也卽  
謂非未央之詩亦可

家大人有画舫予借澧陽舟中偶成

自取青編自選詞日光初下落簾帷每當流水斷橋  
處是我開窗大呌時淡淡輕煙方櫛沐深深巷柳便  
棲遑胷中料得有何事穢草崩崖亦入詩

二

一甌流水貯方盤披髮讀書不振冠未携酒杯辜夜  
月誤投果李打漁竿醉攀小艇拾萍藻閑步湖頭採  
木蘭再呼舟師三致囑晚鐘纔起可開灘

三

泛宅浮家興自狂  
舟橫岸草掃朱廊  
早知輕舸衝煙柳  
久勸人家植水篁  
止爲月明怕點燭  
又因花氣不焚香  
舉頭處處青天在  
彈指已過冲里岡

四

擘流成兩向山城  
門背禾塲掃酒鎗  
鳥坐客帆任去往  
螢纏蛛網猶分明  
一更蝦赤三升水  
兩盞鴛黃十里程  
權吏水官如問載  
半航煙雨坐書生

五

不知漏下已三行  
喚起阿奴買酒嘗  
入手清流自洗

蓋到頭煙景未離牀枯枝濃霧鴉爲葉夜月疎林水  
似牆潭底如生王績輩願投一爵點湖光

自舟中登岸偶成

林風陣陣響前灣泉氣樹聲又一般權把黃冠挂綠  
柳直尋白徑上青山樵家傍嶺築蝸舍路畔因松架  
華關携手披衣不慣步馬頭還似在船間

上硯北閣天氣朦朧天色方青時五月十有三  
日也

石巉木櫟等山陂極目南雲亦自奇路似半含楞蒲  
界田如千段浮萍池漁煙衝艇裹楓樹杏子分香上

奕棋細雨斜風橫劍嘯韻唇詩手幾人知

哭張安世

虛齋把筆泣高蹤覓得生芻那忍封能酒能詩唐李  
勣不言不笑晉陶公未通白業有禪氣戀着青樓亦  
道容死友有知如不遠瘦鬼當繞大江東

二

數語燈前字字真呼童度曲猶精神如何鬪樂爭花  
地失却疎雲淡月深圖譜數針壓漠北肝腸一片傲  
荆人可憐文士付流水沈謝鮑王亦夜燐

三

悠悠世上無多情白眼乍青爲子卿曉得分杯成永  
別再求握手話平生亭前集石穿山色閣裏鑿窓透  
樹聲從此數車三步過故人門外止黃鶯

四

刪竹修花典草堂竹花正茂主人忙看他庭畔幾方  
地都費生前一段腸賓客有情插寶劍兒僮無主倚  
蘭牀魄歸舊苑約新友阿大中郎首入場

安世後先  
叔中郎一

年  
歿

李宗文有書寄予兼求予所著竹話

江南有客忽相聞遠牘開來字字雲酒社詞場新小



友筆墳墓塚舊人文登山遙指有知己問竹何緣上  
練裙渭北江東若細論豈將輕比鮑參軍

二

秋色滿山詩滿山他年唱和定盈箋休如長慶必書  
月但願熙寧各記年好句多從午夢出清言半在水  
雲邊飛身如可西莊去雙着紅衫柳下眠

映高樓卽事

樓頭坐看幾人漁玉尺銀刀飛後渠溪滿浮萍不似  
水亭圍亂竹合成籬雨中若使能兼月泥裏吾將自  
釣魚初願不求治館榭臺邊樹下起茅廬

戲贈桃源周生

狂歌亂舞桃花飛仙蛻石邊落玉璣時出蠻音亦自  
好任他粧束也無威手常掬水灌紅杏到卽脫巾挂  
白扉笑爾青衫蟲蠹甚料爲父老送春衣

張老師初度六月初五日也老師買新姬未久  
牀前獨拜水先生白石白沙自有聲折蕪濶願喚小  
小濯枝雨後呼卿卿移風變雅度年歲裂月撐雷真  
老成弟子焚香無可祝易妻四九願如彭

黃太史慎軒與先君爲生死交辛丑冬先君歸  
葬於荷葉山之西太史素車白馬便道而來恰

如其期此亦非偶然也已酉子甫十七偶拈筆  
作梅花詩一蜀僧至遂寫扇頭以貽先生先生  
頗賞之復予書曰李賀小兒猶能倒韓侍郎之  
屣况有才如君者乎予不覺失笑壬子夏先生  
歿爲位而哭之如父執禮夫自古才人崛起天  
下寒士依以揚聲者多矣至於以一身而爲父  
子兩世之知己者蓋屈指不一二也敢作數語  
以哭之

從此中原知己孤晚年絕筆又成朱西方不靖青峩  
歟南國無緣火井枯薄命偏來尋道長高年定不到

名儒恨予猶少黃家字免客間僧得夜鳥

韓子新得先生夜鳥

嘯月四字

二

當時橘水坐潮濱月起風生僅兩人置我案頭分小  
韻坐君膝上問生辰黃衣剛入成都夢白板又來阿  
彌身若把葡萄還築社詩蒐猶帶竹皮巾

大中與先大夫築葡

社萄

三

昨夜夢入大嵯巔石砍巖滑草屐穿南瀉會昌六年  
水北鎖靖國元年煙山僧袖出平倩字展開三字淚

潺湲我是先生友子東華猶葛如何又哭先生  
又自悲挽詩纔成醒來止國朝邇來諸文人大半不  
敢數年齒如陶如江四年餘何曾一人到六紀肆中  
盡鬻少年書老去著述無一紙野草不拈蘭蕙枯白  
楊有風應不起

四

新茶來飲哭先人猶在柞林風雨晨今日巨卿身夜  
後素車白馬又何人

太史祭先大夫文云  
嗚呼伯修來飲新茶

舟中自澧陽歸

遠嶺斜埋沙水濱遙遙千畝欲隨身帆飛似箭震書

帙松響如風驚睡人地獻清湖絕俗客天生黃鳥作  
佳賓斯須已過夫人渡夾岸香禾透幅巾

二

散步野蘿挂葛巾有山有水斷非貧沙頭席地踟躕  
坐南岸犬狺北岸人

三

午時猶有日侵身杪在月初與露晨舴艋也隨回舫  
去恰如遊客携山人

入村

貯水滿田臯累麥尺餘高秧針青翠甚彷彿似松毛

二

夢中白雨濺醒後又青天疑羊是荷葉問他何日蓮

三

田媪坐重櫺攀枝待雪夜野夫健步來携豕梅花下

四

雀啄便入田赤日挂山巔道士蒙頭卧誤疑月在天

寒食

遊客莫留連何人此內眠帆飛碧草塚烏點黃花田  
停盞待甕酒仰天看紙鷁功名了却後水月若千年

苦雨

環草亂鼓吹平溪溺死芰蝶翅淪瘦煙蛛濕繡敗簪  
尾飛滴案編堤斷隔友轡線電照愁肝覆鏡擁衾窠  
深籬聞夜顛茶牀報朝委園丁障碎簑郵使毀新簣  
濕葦費溫卮虛甕浮砌次泥沒水屐身風沁蘆花帳  
架木作徒杠嫗將碧公晉

青樓曲

郎上隆隆馬妾乘一葉舟春帆風浪疾先上散花樓

二

詩社約郎去三杯出画臺嚴霜刮面冷猶自候郎回

三



慷慨敲金鐺居然文士腸嬌羞猶似可第一醉中狂

四

聽說聲歌好買綃請數詩亦知飲五石不忍勸多巵

五

將鏡作郎身時時得自憐贈郎無別物只此鏡中人

六

分手不多許胸懷千萬語相逢無一言盡在不言處

七

素心離亦好卓氏在悲愁只說少年事何須說白頭

八

洗杯滌坐茵小酌度花辰郎有知心友爲郎約幾人  
明月怨擬古

輕露滑香髮隙光點舞襪故人今在家想亦看明月  
二

南山與北山豈有兩明月先去照郎身後來照妾髮  
月

一點補青天遙遙落水田青天補不得時漏雨和烟  
保母吳氏病甚予方在灋陽友人強留予飲雖  
擲五白六赤未免面笑而心泣矣歸果破保母  
于我其職止一傳婢耳其恩則猶母也哀至時

漫作數語以自悲

瘦骨枝立不勝珥依稀如生喚不起呼天無路淚雙垂對予永別恨不語癡兒短髮亦被裋黃口無知不信歟自哀寒士時命窮并一保母也沒齒質書典衣買山園歟有以理不必里半夜漏下起涼風此風遂不吹衣履記昔搔頭梨棗時恩深如海難屈指雪夜啼號繞牀行披衾衝寒燃膏紙盛夏鼓扇葛幃中自身多病亦不止視我如子欲速成一問日者亦歡喜今宵素姚僅數籌素姚數籌我心憂千金未酬漂母歟伶仃孤苦誰報劉嗟爾歲月饑寒度受其恩者寧

不差冉冉孤燈悲厥次蕭蕭夜雨哭黃州昔日高堂  
女嬭伴今朝孤墳土一丘

曼情平原厥次人有漢武保母教誥

夢與中郎先叔談覺來只記秋亭二字

依稀相對叙寒溫十載何如一夢竟已勝五年浮浴  
水不須三度到夷門榻前吊古真奇事帳裏招魂亦  
妙論風韻十分忘却五而今彷彿類生存

二

夜如白晝了無驚寐裏何鄉得遇卿玉玦猶前佩道  
士蒲團依舊坐先生剛聽話裏秋亭字又恨城中署  
鼓聲預識夢魂容易覺強攀巾履到天明

映高樓卽事

枇杷正拂窻恰好一方葉結子斜含枝子黃坐而鐸  
倏忽墨煙濛萬點挿衣袂亂蚊穿雨行飛舞將軍聶  
稚子負竺歸橐選拾秘笈什地斜倚門啼淚滴丹頰  
勸君莫笑他少小同此劫

潛江有一謝老先生晚年子殺人爲仇家所逼  
投于淵往聞淵中有青魚近千年矣鼓鬣噴波  
雖童稚皆得見之往來出沒漁人摸不能得忽  
一日魚偶不見不見而先生先生自幼浴委  
蛇盆中有洋洋圉圉之狀及得第爲杭州倅每

浴必閉門焉執巾跳躍自濡自沐其聲如石鐘  
鏗鎔如輕雷激波如乳蝦噴響如漁子逆灘妻  
氏隙而窺之驚愕不敢言未幾年任滿致政南  
還以兒子故溺于淵溺于淵而魚復出矣小袁  
曰天下事之難知如此始信幽怪錄搜神記之  
類蓋非虛語也昔南宋有一學士弱冠卽負時  
名下筆卽膾炙人口記其前生爲白馬吏乘之  
入驛瓦礫傷其蹄痛入心髓遂歿故平生不忍  
騎騎亦不鞭遇敗崖碎石間卽下拾之恐傷馬  
足房舍重重去其門限亦此類也嗟乎人羊往

來此安可與腐儒道哉命筆作一絕

功名一霎幾年餘可笑波臣升斗居南宋才人係白  
馬外州別駕亦青魚

壽田順菴八十余友雄甫祖也

君亦嘉隆小孺子而今翻作白頭翁舉杯猶是少年  
樣飲酒居然壯歲風

二

世上誰無鬚與髮許多止爲嫁婚銀早知阿祖貶年  
歲少將舍施短命人

三

更深露下少年眠猶自狂歌繞水曉想是兒孫多沈  
王一廻詩到一廻歎

四

鬚根色同漢周軸初度酒杯可溺屋膝下二三白髮  
大郎今已六旬六

寄友人

大雅不從三百終邇來新得一詩翁迦文十二部中  
偈天寶開元拜下風

二

斷鬚人甕總堪憐到此無人敢效顰古調高風隻百



詩苑英華卷十一  
代瞿曇真是老年人

一山人貧甚以生平未到館娃宮爲恨

一夜相思誰與聞麻鞋空自戀紅裙無錢難入生妓院三上錢塘蘇小墳

高牧仲遣僕送予辭之

醉人推罵我能堪自取書擔上釣潭君宅不須銀鹿去微風吹我上江南

露坐

三盞酒腸滑波衣又散髮莫居黑館中出去當此月

勸伯韜建舍

生柳逢春長屋梁敗書無帙筆無牀休言蝸舍權棲  
遲蟻子猶營審雨堂

有舊館開半年矣作此自嘲

開門收卷帙塵埃繡千層滿砌盡蜂窟穿窻有壽藤  
回牀棲竹鼠茶竈坐蒼鷹去歲上元節今猶懸一燈  
與友人夜入郢

蠻曲與村歌馬頭信口哦奇言休黑語月起再談過

二

不識是何事漁翁哭水汀放燈江上者燦若滿天星

三

只愁白鷺波浸上楚靈襪只恐壓城雲不留王粲月

右述袁石公代青溪道士見招中

秋後一日書

青溪月和霜和水發萬仞沁寒潭冷盡玻璃骨青溪  
花傍水帶煙斜東曲謝蘭香西曲萼綠華青溪水雲  
根洗清泚朝浸用里芝暮烹王烈髓青溪雪萬仞千  
峰徹隔浦喚仙奴夜春雲母屑君之來猿鳥笑雲爲  
舟風爲棹鬼谷罷淦孝先徙竈驂風與駕鵲知非君  
所爲吾爲君招赤成之化骨及絕逸之髯君爲我歡  
然而孰道君不來雲山煥

附小袁幼稿

公安袁祈年著

遊黃山

風景未容刪前峰翠一灣松楸青過草虎兕小於鵬  
墮石逐禽去歸雲同馬還謝公丘墓在鬼亦愛青山  
山有謝公墓

二

沅峰與澧巔山爲此山生可恨天如舊纔知水半明  
問方頻送目踏石可成聲不盡山靈意畱之後世氓

劉園卽事

步出鳳皇隈湖光上遠臺窻因幽徑鑿戶爲蜀僧開  
老竹穿牆過輕鳶熨水來密萍閣落葉拳石小蒼蒼  
雨過樹還滴城高風欲迴詩成題畫壁酒盡覆空杯  
梅底胡黎靜鏡中堞影隴林泉原自好點綴不須才  
中秋病中偶成

乍冷秋風夜伴眠獨此君月惟呼僕看歌止隔鄰聞  
溪骨聊成帙鏤香不忍焚更深金磬靜疑我是楊雲

二

風光如隔世竹月轉堪貪誓禮竺乾父酬茲中國男  
病微生大怖疑至仗新叅七尺何爲苦終當老一龕

柳浪湖與述之話舊適有一歌者至

何日不相見  
締歡獨此辰  
負心非俊士  
證盟以佳人  
驟雨驚檀板  
微風送咲顰  
譚鋒與舞態  
無月景尤真

舟中卽事

驚濤撲面來  
天暗失林麓  
不曉水程事  
前舟以爲目

二

十里蘆花煙  
浪光霞裏鮮  
遠帆如未動  
實是疾于鳶

三

風逆打船頭  
驅人上陸遊  
牽舟江畔過  
錦纜絆耕牛

四

雖暗覺猶晝燈來晝夜分掛帆正好去催晚是霞紋

五

天氣明朝好池蛙新有聲黑雲一點破破處競明星

六

每遇新山水轉如歸故鄉一眼三十里非是夢魂長

七

山水恨無目誰憐褐布囊詩成只自賞有似嫠婦粧

送張廣文歸桃源

松楸處士宅鷄犬僊人廬旣已六年別趣茲二月時  
鶯聲穿石壁桃雨滴荒祠今日歸舟上錦囊如有詩

寄友

瑤璃十里漾紅蓮都在先生几案邊  
畫獎忽飄紅墨瀋遠鷗識得酒壚煙  
閒編新賦酬初月偶效漁歌答  
晚天蕉露梧風真用世名臣何事不逃禪

古樹

葉深不受雨勢遠欲無天只許暮鐘入  
將無山鬼眠參差召宿鳥高古漏春煙  
急欲呼培塿峰頭少布泉  
送師至金陵請經

忍別梅花去荒城釋部微寒霜清五戒  
漁火照三衣骨俠禪心壯身孤道侶稀  
明年江浦望貝葉蒲航歸



淨檀卽事

芳草油油未忍鋤客來嘲我懶兼疎俗情易合愧同  
跡世細難逃且閉廬禪榻側邊生筍竹杏林破處露  
浮屠家貧眞箇如南阮一枕風煙好著書

與田子別六年矣偶遇之途間走筆賦贈

君正來學詩值予栽竹時五六竿竹和彼蜂巢移  
今竹已聳翠君詩亦滿筍君詩戛戛如寒玉不減淇  
園十萬枝

芙蓉館卽事

轉眼年華逝闢生草上臺早深還愛日雪裏忽聞雷

漏刻聽山鳥沉心佐酒杯蒼官圍繞外牆短露紅梅  
謝通明寓中讀譚友夏詩偶成

非因破萬卷下筆自然研况是窮風雅宜其吐水煙  
普天供楮素率土上花箋一帙休雲少銷予幾夜眠  
二

愛女文章好詢之乃少年丰神都覺贅錦繡已盈篇  
不學慙元九臆言敵鄭玄誰知三戶楚偏有才如僊  
鵲巢梅上

何處無鳩居清標第一奇恰將南國意添入水曹詩  
避歲暗香裏向風踈影時秋冬如可易七夕好相宜

二

大類廣乎腸南飛亦自狂驚風穿牖戶落盡滿橋梁  
三匝還能繞一枝若爲忙明年花再發報道首東皇

玉泉呈 家君

余家累業愛逃禪紫蓋峰頭空一巔父子買嵐爲世  
業妻兒鑿翠是家傳文人結局惟風月壯士收心在  
水煙從此焚香了世累石頭崖脚有高眠

洪山寺同張景星賦

林遠自聞香名心到此忘晨曦如乳月澗戶似蜂房  
樹杪僧雛出殿深白蝙蝠藏回頭城堞近胭脂接西廊

送僧歸廬山時予亦思南遊

頻作青山夢今朝師叩關隔林望面孔步步是廬山

二

杖屨曉雲寒擔頭雪萬盤幽巖今未見擬作一僧看

三

布泉稱小友寶樹戀通家得得山中去焚香了晚霞

四

不獨匡廬佳山山具品地安能五嶽遊月旦山之類

與友人論遊山

欲於羣峰頂點綴諸名流銀光三百帙中書五千籌

殘煙與冷翠一一挾其幽詩裏課殿最無令寸景留  
佳則遷五嶽否則降林丘

二

游山宜尋水巔頭水尤奇凡欲觀水者宜到萬岩岐  
有客游山返惟譚山峯巖游山三十載不曾見一池  
無水峰亦俗清翠祇覺癡辟彼黔民往空拜香火祠  
辟彼幽閨妾隨郎走天涯非不譚山水林壑那得知  
樓上偶成同述之賦

紅衫倚柱覺身輕縱使無風月亦清止見亭前千舸  
亂忽聽窻下一鶯鳴淡雲疊疊連春樹瘦嶺蕭蕭樹

斷城此去僊人還不遠至今飄瓦帶簫聲

有感

素車數輶聞悲呻自恨空留未死身乍入新居冷似  
水重懸遺像涕沾巾當年歌舞頻頻樂今日窮愁着  
着新秋夜孤燈不足計饑寒困苦告何人

二

鄉鄰亦復起悲酸空使傍人憐故官化石墜樓死尚  
易破琴解髻生尤難馬蹄車響從今斷署鼓巷吹憶  
昔歡聞道鬼裝都治畢只將一室孤篋看

仲春同友人夜宴看花臺忽憶元微之吠聲沙

市犬之句謂友人曰前巷中歌纂纂唱鳴鳴者  
尚不如豹犬之清越也因捧腹數回爾時仰視  
銀灣俯眺煙樹天地如淨瑠璃心脾爽然乃與  
友人論月各得月之三昧此數首則予所謬論  
者也

二  
光景阿誰多東堦月一坡不如金屋裏冷魄照青娥

三  
盡赭平原樹勿留礙皓光不如潮水漲千里類凝霜

山吐與林落沉沉淡鬱多不如酒盞裡蕩漾織金波

四

公子聚澗淮朱門肉竹諧不如無事客散步踏荒街  
招提同伯柔夜坐

寂寞荒齋裏無聲似有聲孤缸穿竹影寒磬撼窻鳴  
茂栢恨遮寺風林難辨更忽然言語斷幽契此中明  
丁未六月水漲坐柳浪館作

濯足池邊好弄箏釣翁歸去小舟橫落霞鋪水全湖  
繡夜月下枝半樹明

二

寒谷墳溪沒石牛白花十里賤濺流稚子灘頭學把



釣老僧樹裏亦乘桴

簡袁無涯

今山讓古山今水讓古水悠悠世上人  
蒜目薤頭耳縱欲傳斯人直待斯人死  
不見張伯松頗亦讀書史太玄不生周  
金匱無楊子吳門有袁郎沉心研名理  
宛如靖節詩才比螭虎壘酷嗜中郎文  
夢龜通一紙論衡肯出世人觀陰符未  
注棺材裏風流文采真一家不似關山  
隔千里我忽見袁郎須臾兩悲喜士固  
附青雲青雲亦附士阿大遇袁郎百世  
不須俟未我後來有人袁郎比

無題

多情惟有二家知  
閒取銀光草恨詩  
端坐凝眸發一  
歎回頭新月滿花枝

二

蠅字行行密復疎  
幽情閒怨似班姬  
好女兒到底深閨  
氣只愛雕香與袖書

三

自從分手幾經秋  
靜夜無人閒自謳  
惟有瓶花肯伴  
我澆之餘瀝當纏頭

四

幽閨對語雜驕嗔香茗煙中別有神知已半生海內  
少天涯不在在花茵

五

楚宮未話別離日先慮孤齋夜雨時况是北堂人已  
遠梨花入夢許誰知

喜友人至

西南有客吹簫至開扉定交便切脯問客平生遺恨  
事袁君未見與匡廬

寄友人

夜合繞階水繞臺道人飯罷閒徘徊買舟只合問山

去砍竹爲君送韻來百萬閒愁要哭洩幾分奇筆同  
花開荒荒孤館一人坐瘦影寒霜空自哀

一道士好遊山不好住山詩以箴之

道士閒中有不閒遊山屐上換蒼顏女嬃未到西棚  
國何苦朝朝只問山

澧陽舟中偶成

遠巔斜埋沙水濱遙遙千畝欲隨身帆飛似箭震書  
帙松響如風驚睡人地獻青湖絕俗客天生黃鳥作  
佳賓斯須便到夫人渡夾岸香禾透幅巾

柳浪湖卽事時江水正漲

如雪水漾漾無風靜亦浪樹卑而則升雀巢可俯望  
湖中有小樓并常游其上民魚固可愁與予不相當  
月下拜天吳不退亦何妨

偶成

舌存還着敝貂裘三折鐵撾願未酬京口颶風連夜  
發朝湖松雨滴窻愁早知焯掌無長策惟有編蒲上  
釣舟寂寞渡江王景略從今莫望呂嬖樓

山中寄王九天根

忘却渚官路深山別有程陳遵雖好士張竦亦知名  
溪水和水綠寒禽帶月驚何時圖合得樽酒漫相傾

淨檀偶成

青豆是吾家名園竹樹遮風高先到燕日烈甚憂花  
涉世勿爲好逢人唯說佳水邊歌嘯罷編堞馬頭斜

別蕭生

無計留君住春光祗自憐面含丹雪色囊裏洞庭煙  
樂大迎天至徐生入海還何年吾事畢偕爾老匡巔  
八月蘇雲浦先生初度

天欲老高賢秋容百倍妍宛如弧矢旦選此菊花天  
蟋蟀千秋語芙蓉四海煙江南比磬爇處處爲君年  
壽桃源張老師之母八十

案頭鳳律堆重茵歷盡風霜到此辰五色雲來生孟子  
子千林花底遇秦人燈花暈盡猶聞磬砌草霜寒尚  
課縉北斗九星今已見翠裝白髮好相倫

送蕭生遊天門

大地似池君似萍洞庭如海君如鱗從今分手天涯  
去我亦東西南北人

月夜步入招提

平疇一片光燈火射池塘隻鴈衝鐘去帶聲落講堂  
王九將至金陵便舟訪予公安

春水今方生江流已不平微之重拜塔子美再題營

肩爾終先輩得予始後生天陰留客好風雨不成行  
庚戌夏日懷友夏

未晤已稱是法侶平生眼空僅汝許聆音不自君口  
來每於人口得君語僻居江澍氣如蒸思君清意解  
予暑暑中披拂惟有風風歷郡邑到予所到予所時  
風已殘猶勝四塞熱忙處



附近遊草

公安袁祈年未央甫著

武陵楊劍祝四來甫

楊鴻子漸甫校

月夜過湖

濃煙不住處是柳盡成楓三日行人斷一帆釣叟逢  
鷺濤枕際白龍火窻間紅豈止吞江漢肥波食死虹

二

奕奕星司夜水天不用鷄無風鱗未靜有路鶴能迷  
驚浪崩匏史奇寒折敝綵蓼花皆瑞草何敢問香閨

德山偶成

晨策期從緩登臨不覺忙斜通葱嶺後小憩歆巖傍  
碑字殘從晉松枝折自唐身隨樵路遠有賦羞題篋

二

探幽不避露只慮寒煙遮錦石小容月桂根老帶霞  
轉屐呈一壁回首失千花寺寺樓中翠岫嶮恐未加

三

如花數里樹常似艷陽年凋落含春色清晨起暮煙  
宮陰遊女坐竹徑老僧穿每到驚紅處便思受一塵

四

原說江南雌登峰識秀巒暗中微漏日密處巧藏池  
燐入施糜室雲封束草師人間花燄爛不及帶癭枝  
武陵道中時予將有衡陽之役

青翰絃上箭直射祝融陰北風吹萬物不肯吹歸心  
神農咫尺間豈畏洞庭深

二

閉窻披髮坐雀尾香滿肱風來窻忽啟書帙裹寒煙  
波遠沙鷗去草青童馬眠

贈建中上人兄弟

茫茫楚塞長同鄉作異鄉予初匿姓字別言是錢塘

雙情忽交映笑裏識袁郎引予橘奴下坐予松釵旁  
言言無僧氣相對月出房不必種荷葉跣趺悟亦香  
不須搖蕙扇圍爐氣自涼佛子具仙骨世外別有腸  
堪怪夷齊生今日任他飽猶挾風霜

辭德山走衡陽

水生風熟翠重重隔岸猶聞在渚鐘別去已開三里  
霧思來還上一層峰棘籬枳落窻前願雨虎雲獅夢  
裏逢善卷有靈予有誓他年足啗定相從

自嘲

不得父才得父遊煙霞閬闕榜飛舟無名無我湖天

去喜向沙邊怨石尤

晚泊

日日水程中踏浪似聚鴻遠光能不夜獨樹亦無窮  
漁任周花雨商輕裂葉風瓠瓜青黑甚傳語魚鹽豐  
偶成

獨鴈憐其冷獨鷗憐其孤獨塚鬼雨滴稜稜石一株  
獨舟漁翁往寂寞婦與夫予今二十五旅艍泊江湖  
无向九背去飄若水中蒲十月北風發宮亭幾躊躇  
鴉洲鳬渚畔瓜剖豆分途獨身蕩其間不可示妻奴  
我憐鴈鷗與漁鬼鴈鷗漁鬼亦憐吾迫吾早到朱陵

去懶殘長源是爾徒

二

農若嫺風雅結字倚丹楓漁若識圖畫釣絲暴晚風  
山若爲予疊置巔綺窻中霞若爲子艷虎眼萬跳紅  
造化有慧性文章巧且工兩儀將剖際恰與我心同  
龍陽舟中

利眼芒芒照敝裘少年採藥目風流幾迴欲效鄴侯  
去今日方同宗炳遊奇巔千尋堆積雪蘆花萬里瀟  
孤舟人間奔走空銷夏綠壑丹崖了盛秋

沅江湖畔

四望愁無地中流一鴈鳴舟凝綠藻密萍動識魚行  
野衲俗猶靜漁翁爭亦清一天城市語不及桔槔鳴

天心湖

百里千里迷酸霧舟行但隨沸河步茗樹之下李耳  
啼客帆茫茫明一炷此地若當艷陽時乳燕含泥將  
誰附不似東都大有人帝廣顧盼當無怒

二

雨中爲客倚檝愁况復朝暮滴清瀾半生今日燭聞  
雨往年雖雨不知憂旅泊更勝遼陽戍鬼廷颺颺沉  
水流倦來假寐虱無暴村夢帶雨入青樓

沅江遇盜返棹作

性僻愛丹丘致貽堂上憂未逢新嶽色難遇故鄉舟  
不泣非無淚宜懲更勸遊神驚恠牒裏君子欲何求

二

逃人直到此無處可逃人僮聚沙汀泣客因濡沫親  
難拋浮海興悔作離家身五燒綠何薄要頡赤帝神

三

訪道寧辭水捐軀只爲山自甘高隱沒肯作俗人閒  
望嶽那能去懷歸不忍還驚覓未定夜猶憂九疑髮  
客有嘲予遇盜者賦答



一自離塵寰便覺心無垢途遇往來舟日日問岫巖  
晨起櫛沐餘閒取流泉漱或見古木陰停篙時相扣  
偶逢山衲言間隨漁者走我心如漁清漁心如鷺伏  
每於垂綸旁手把道書讀夜來聚千帆燈火映列宿  
四顧煙濛濛水月白成畫人生行樂難此樂無乃驟  
萬事讓人先山水不處後

二

七日枉山去山空杖履鳴溪橋木葉滿石路寒風生  
松深獨鶚叫竹盡一人行只此培塿地能令繁想清  
何況祝融頂千里暮雲平我行去卽返遊山如攻城

幽燕百戰將亦有小衄兵龍韜閒未試不足損軍聲  
身爲五嶽死靈爽定孤清死忠死孝外死山亦有名

過常武別楊西來

客路如鴻飄不羣枉帆幸讀子雲文名高九牧偏憐  
我才了十人久讓君玄論真堪摧敵國不言尚可挹  
清芬他時洞口如相遇願瀉花浪掃練裙

予未辭君平孝若諸子行踰梁山六十里復爲  
所追返有賦

思歸與惜別心在去留邊走馬千山頂危橋一笑還  
巖端樵徑曲松裏碧天妍不盡登臨意難忘洞口烟

夜飲梁山下

巖欹松亦欹石路如空  
枰颼颼不離耳齋乃發雨聲  
狐語亮于吠幽深疑有靈  
忽然松枝啟乍見天色青  
松裏天猶美何况月復生  
欲月入松易我入松中行  
警咳總歸寂視久無定形

梁山懷西來

郊原青嶂合何處覓無峰  
僅自憐孤影不堪聽暮鐘  
離家僧爲友穿穴月難從  
寂寞憶知己交情同酒濃  
公安無山子時思  
歸故首句云云

懷花蕊

鹿走禽飛虎出圍誰能令我不思歸一聲吳肉香烟  
煖自解蕭郎馬上衣

澧陽別楊文弱

聞道枉山客投林是予非予等追尋圖書滿船神自  
契卽無通家亦賞音愛君文字肯幽探年少風流帝  
所歆感君摸索能憐我交情水乳足知心知予淺不  
知深知僅姓字仗家世不知獨鸚鵡出高岑

文弱初不  
知予爲袁

卽再遇復別  
方告以姓字

附德山雜詠

金剛塔

座下久周旋水溫今復還與君有夙契拜在拜之前  
善卷臺

枉山無遠岫半是蒼官封應想築臺客爲山添一峰  
桂園

古幹可無華濃陰四節嘉羞從鄭七七爲發非時花  
孤峰頂

瓜畦紫如帶禾疇細似紉鑑師曾過此捧裏看青烟  
白龍井

井涸江則落井深江復洋岷嶓非水脉山頂有全江

寶藏閣

徐米甫  
官筆

筆氣邁周秦顛鋒甚犀利亦知米老書不是宋人字

竹徑

竹雖列入音此響另成籟非翠亦非青色居衆色外

楚望亭

西眺桃源路難分天外身祝融催我去又避避秦人